

GEWALTSCHUTZZENTRUM OÖ
CENTAR ZA ZAŠTITU PROTIV NASILJA
GORNJE AUSTRIJE
Stockhofstraße 40/Wachrenergasse 2, 4020 Linz
0732 607760
E-mail: ooe@gewaltschutzzentrum.at

Centar za zaštitu protiv nasilja Gornje Austrije je ustanova za žrtve koja je zakonski priznata i koja je subvencionirana od strane Ministarstva za unutrašnje poslove i Ministarstva za žene. Nudimo savjetovanje, pravne informacije, pomoć kod zakonskih zahtjeva kao i pratnje u kaznenim postupcima.

Radno vrijeme: ponedjeljak, srijeda, petak 9 – 13, utorak i četvrtak 9 – 20 i po dogovoru

Zakon za zaštitu od nasilja (Gewaltschutzgesetz)

Šta da radim, ako sam pogođena/ugrožena?

Ako dođe do fizičkog nasilja, prijetnje nazovite policiju (**poziv u nuždi 133**) ili recite rodbini/komšijama da oni za Vas obavijeste policiju. Ustanove Vam također mogu pomoći (pogledajte zadnju stranicu).

Direktna zaštita od strane policije ZABRANA POVRATKA KUĆI

Policijski postupci

Ako dođe do ugrožavanja Vašeg zdravlja i života te Vaše slobode, policija ima obavezu da odstrani počinitelja iz stana/iz kuće i da zabrani **pristup za 100 metara do Vas i do stana/ kuće**.

Odstranjenoj osobi će biti oduzeti ključevi. Ta osoba može hitno ponijeti potrebne lične stvari sa sobom. U toku zabrane pristupa odstranjene osobe mogu ulaziti u stan samo uz pratnju policije. Oduzeti ključevi mogu od odstranjene osobe **14 dana poslje zabrane povratka kuci od policije biti pokupljeni**. Ako ključevi od odstranjene osobe nebudu pokupljeni mogu ključevi drugoj ovlaštenoj osobi biti prosljeđeni. **Šest tjedana poslje zabrane povratka kuci od policije ključevi ce biti uništeni**.

Koliko dugo važi zabrana povratka i pristupa?

Zabrana povratka važi 2 tjedna. Policija kontroliše poštivanje zabrane.

Šta se dešava, ako se nasilna osoba ipak vrati?

U tom slučaju obavijestite odmah policiju i ne puštajte nasilnika u stan.

Koja je posljedica nepridržavanja zabrane?

Nepridržavanje zabrane se kažnjava kaznom do € 2.500,- u slučaju ponavljanja do € 5.000,-.

Postoji li dugoročna zaštita?

Kod nadležnog suda se može podnijeti **zahtjev za privremenu mjeru**.

Kad se taj zahtjev treba podnijeti?

Zahtjev za privremene mjere se treba podnijeti u toku te dvije sedmice, u kojoj važi zabrana pristupa.

Šta ako stan ili kuća pripada nasilniku?

Nije bitno ko je vlasnik ili nosilac stanarskog prava.

Koje ustanove će biti obaviještene kod zabrane povratka kući?

- Centar za zaštitu od nasilja Gornje Austrije (Gewaltschutzzentrum OÖ)
- Ustanove za zaštitu omladine (Kinder- und Jugendhilfe), ako djeca ispod 18 godina žive u stanu/kući
- u slučaju maloljetnika mlađi od 14 godina osobe kod koje su maloljetnici; u slučaju maloljetnika stariji od 14 godina policija će u pojedinačnim slučajevima odlučivati tko će biti obaviješten

Dugoročna zaštita po sudskoj odluci:

PRIVREMENA MJERA za stan ili kuću

Sud može donijeti odluku koja zabranjuje nasilniku povratak u **stan/kuću**. Zabrana vrijedi takođe i za bližu okolinu.

Ova zabrana vrijedi maksimalno šest mjeseci, ako zajednički život ne može više da postoji.

To se odnosi na brak ali isto i na životnu ili stambenu zajednicu.

Zabrana povratka kući nije preduvjet za donošenje odluke!

Šta ako stan ili kuća pripada nasilniku?

Svejedno je, ko je vlasnik ili nosilac stanarskog prava. Važno je da Vi tamo stanujete i nemate nijedan drugi stan na raspolaganju.

Šta se dešava, ako se nasilna osoba ipak vrati?

U tom slučaju obavijestite odmah policiju i ne puštajte nasilnika u stan/kuću.

Stand: Jänner 2020

Da li se može privremena mjere produžiti ako nasilnik ne poštuje zabranu?

Ne. Samo ako u tom periodu dođe do pokretanja parnice za razvod braka ili postupka za nasilno iseljenje (Räumungsklage).

PRIVREMENA MJERA (Einstweilige Verfügung; E.V.) za druga mjesta zabrana kontaktiranja

Sud može donijeti odluku koja zabranjuje nasilniku pristup određenim mjestima kao na primjer: radno mjesto, škola, vrtić i njihova bliža okolina.

Sud može također odrediti zabranu kontaktiranja i **pristupa**.

Ova zabrana važi maksimalno do godinu dana, ako je susret nemoguć.

Kako da se ponašam ako nasilnik ne poštuje zabranu?

Odmah nazovite policiju.

Da li se zabrana može produžiti?

Da – za narednih godinu dana.

Pitanja za privremenu mjeru

Gdje se predaje zahtjev za privremenu mjeru?

Zahtjev se predaje usmeno ili pismeno na sudu grada prebivališta.

Na šta moram pogotovo obratiti pažnju?

- Preporučuje se prije toga savjetovanje u Centru za zaštitu od nasilja Gornje Austrije
- Kod suda je često potrebno zakazati termin
- Prisustvo advokata nije potrebno
- Ispričajte ne samo aktualan događaj, nego i ranija nasilja!

Kako možete dokazati da ste ugroženi?

Svojom izjavom i eventualno izjavama svjedoka, kao i putem policijskih izvještaja, ljekarskih nalazi, fotografije, dokumentacije ranijih nasilja. Dokaze bi

trebali biti prikazati po mogućnosti odmah kod podnošenja zahtjeva.

Od kada važi privremena mjera?

Od dana dostave sudske odluke.

Koje su posljedice nepoštivanja privremene mjere?

Nepridržavanje odluka suda se kažnjava upravnom kaznom do € 2.500,- u slučaju ponavljanja do € 5.000,-.

Da li imam troškove zbog privremene mjere?

Od 01.07.2013. **se više ne plaća zahtjev** za privremene mjere. Ali u slučaju ako bude potreban prevodilac, ako su primanja mala i imetak ne postoji, onda se može predati zahtjev za pomoć u sudskom postupku.

Šta ce biti sa ključevima od stana?

Ključevi ostaju u vremenu privremene mjere na sudu. Prije nego sto sud dadne ključeve jednoj osobi mora drugo osobu pitat. Ako ne postoji sporazum, uslijedit će pravni postupak.

Koje pravne posljedice postoje još kod nasilja?

Pored zabrane povratka u stan može u slučaju da je podnešena krivična prijava doći do toga da se povede krivični postupak zbog tjelesne povrede, opasne prijetnje, raznih seksualnih kaznenih dijela, stalkinga itd.

U tu svrhu nudi Centar za zaštitu od nasilja psihosocijalnu i pravnu pratnju u procesu.